

Mazarin
3783

Le Tombeau des monopoleurs ...

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
3783

UNIVERSITY OF N.C. AT CHAPEL HILL



00023010992

783
LE
TOMBEAU
DES
MONOPOLEURS,
avec leur Epitaphe.



A PARIS,
M. DC. XLIX.

LE
TOMBÉAU
DES
MONOPOLISTES
avec leur Epitaphes.



A PARIS,
M. DC. XLIX.

LE TOMBEAU DES MONOPOLEURS,

AVEC LEVR EPITAPHE.

Les vertus, & les vices sont aussi vieux que le monde, & depuis que les hommes se sont assemblez pour viure dans la societé, il s'en est tousiours trouué d'assez bons pour la conseruer, & d'assez melchans pour la destruire. C'est pourquoy ie n'ay garde de m'amuser aux plaintes que les bonnes gens ont accoustumé de faire sur la decadence des siecles. Je sçay que Caïn tua son frere, & que le parricide du fils suiuit de bien prez la desobeissance du pere. Je ne suis iamais tombé dans vne erreur si grossiere que de m'imaginer que le monde ait esté d'autre façon qu'il n'est à present. Les Cieux & les Elements, & celuy qui les a creés estans tousiours les mesmes, il faut aussi que ce qui en resulte soit pareil, & que les mesmes causes produisent de semblables effets. Il est vray qu'il y a ordinairement quelque diuersité, & qu'il est presque impossible qu'il arriue deux fois vn mesme accidēt qui soit vniforme en toutes les circonstances. Sans cette reflection, i'aduoue qu'il seroit mal-aisé de croire mesme ce que nous voyons, & que les bons Citoyens accuseroient leurs yeux d'illusion, & de tromperie, mais parmy tant de mal-

heurs, & tant de desordres, il nous reste cette douce pensée, que les Monopoleurs sont morts sans espoir de resurrection.

C'est dans cette rencontre, ô grand Dieu, que nous devons nous escrier avec l'Apôstre, que vos iugements sont incomprehensibles, & que les voyes de vostre prouidence sont secretes. Que la prudence humaine est lousche, & que nous raisonnons mal sur les affaires de l'auenir ! C'est à ce coup que les vœux des gens de bien ont esté exaucez, & peut-estre les miens, quoy que ie ne me mette pas dans ce nombre. En effet seroit-il bien possible que tant de prieres, & tant de sacrifices qui vous sont tous les iours presentez sur l'Autel fussent inutiles ? non il ne se pouuoit, vos bontez & vos misericordes sont trop grandes, & quoy que nous n'ayons pu apporter toute l'innocence, & toute la pureté qui sont necessaires pour vous fleschir, les abominations de nos ennemis estoient trop enormes pour estre souffertes plus long-temps. Leurs iniquitez auoient comblé la mesure, & vous ne les auez pas voulu laisser dauantage en estat de douter de vostre puissance, & de vostre iustice. C'est vous, ô tres-Haut qui estes le vray tuteur de nos Rois mineurs, comme vous estes le pere naturel de leurs peuples. Vous auez veu comment des auares, & des impies ont manié les finances du nostre, à quels vsages ils les ont employées, vous auez veu l'abus insupportable qu'ils ont fait de l'autorité royale, & ce titre ambicieux de celuy qui se qualifioit surintendant de son

education, le transport qu'il a fait hors du Royaume de ses meilleures forces, qui consistoient dans l'or, & dans l'argent qui sont dans son pays. Enfin vous avez suscité ces Augustes, & venerables personages qui composent la plus illustre de toutes les compagnies pour s'opposer aux iniustices, & aux violences de ces Demons incarnez, qui tourmentent le genre humain sous le nom, de Monopoleurs, Partisans, donneurs d'avis, Gabeleurs, Maltoistiers, Exacteurs & leueurs d'imposts.

S'il n'y auoit que les bonnes, & que les belles choses qui fussent suietes à la mort, la nature seroit criminelle, & nous luy en pourrions faire de iustes reproches. Mais les chardons & les orties se passent aussi bien que les œillets & que les roses. Nous voyons des despoüilles de crocodils aussi bien que des peaux de mouton. On a mesme remarqué que les insectes & les monstres sont de courte durée, que les bestes farouches sont infecondes, ou du moins qu'elles ne multiplient pas beaucoup, & qu'il ne se void pas generalement par tout le monde, tant d'aigles ny tant de Lyons, qu'il se void de poules & de bœufs. Mais pour nous seruir d'une comparaïson plus propre à nostre sujet, les serpents meurent enfin, quoy qu'ils ayent le don de se raïeunir durant quelques années, les crapaux creuent à force de venin, & les sang-suiës apres auoir fait trop bonne chere, sont contraintes de lascher prise, & d'abandonner les causes de leur embon point.

Ces vilains insectes , ces monstres abominables qu'on appelle Monopoleurs en ont fait de mesme, ils portoient en eux les principes de leur destruction. Enfin ils sont morts, mais on est bié empesché de dire de qu'elle maladie; les vns disent qu'ils sont morts de peur, les autres de rage & de desespoir que leurs fourberies & leur extorsions fussent decouvertes à ce point que la France s'est vigoureusement resoluë de les exterminer. On pourroit dire que la synderesse, cét invincible bourreau de la conscience les a defaits, & que nonobstant l'esperance que la malice de Mazarini leur fournissoit, ils n'ont pû euter la condamnation d'un iuge qui ne pardonne jamais aux coupables, encore qu'ils soient absous par les autres. Mais pour moy qui ay leu dans l'Histoire Sainte, & dans la Profane, qu'ordinairement les persecuteurs des innocens ont esté punis du supplice qu'ils leur auoient preparé, ie croy qu'ils sont morts de faim, non pas à la verité de celle dont ils nous vouloient faire mourir; mais d'une autre bien plus estrange, que les Medecins appellent faim canine, qui n'abandonne jamais celuy qu'elle a faisi, & dont on ne se scauroit deffendre avec l'abondance des viures; au contraire elle est semblable à la soif des hydropiques, & à tous ces maux qui s'irritent & se rengrent par les remedes; c'est la faim d'Erysicthon qui ne pardonna pas à sa propre fille. Ces Malheureuses Harpyes auoient encor depuis peu esté assez imprudentes pour proposer de remettre les tailles en parti, & de continuer les

prests qui auoient esté reuoquez par la Declaration du Roy : Mais ils ont veu la fermeté de ce Senat incomparable à leur faire rendre gorge, ils ont enfin trouué la mort dans cette faim insatiable, qui les auoit incessamment tourmentez durant leur vie. Nous ferons leur Epitaphe, & dresserons vn tombeau conuenable à la memoire de ces honnestes gens, & de Messer Mazarini mort ciuilement, depuis l'arrest du huietième de ce mois.

*France rejouy-toy, ne crains point ces vacâmes,
Tu te verras bien-tost au bout de tes malheurs;
Car nous ne poserons les armes
Que dessus le Tombeau de tes Monopoleurs.*

*L'Authheur de la guerre ciuile
Par arrest du grand Parlement,
Iules est mort ciuilement,
Prions Dieu que dans vn moment
Il le soit aussi bien que feu sainte Cecile,
Et qu'au ventre des chiens il trouue vn monument.*

Epitaphe des Monopoleurs.

*Les Partizans sont morts, passant il ne t'importe
Qu'ils soient morts de soif, ou de faim,
Mais enfin si tu veux scauoir de quelle sorte,
Ils sont morts de regret que Paris eut du pain.*

Autre.

Passant voicy le Cimetiere
De ces voleurs de Partizans,
Ils enragent dedans la bierre
Du bruit que nous faisons encore avec les dents.

Autre.

Passant contente toy de sçavoir leur trépas
Sans demander ou sont leurs ames;
Car ie croy que de ces infames
Le Diable mesme n'en veut pas.

Epitaphie des Monopoliseurs.

Les Partizans sans mort, passant il ne s'importe
Qu'ils soient morts de soit, ou de faire
Et si en fin il ne sçait de quelle sorte
Ils sont morts de regret que l'on en a fait.

